

河陰縣志目錄

卷一

圖 疆域總圖 疆域分圖 縣城圖 公署圖 學校圖

卷二

沿革考

卷三

疆域考 位置 形勢 氣候 道里 交通 區域

卷四

山川考 (山脈) 山陰 山原 (河渠) 河水 濟水
汴水 索水 澶潞

卷五

建置考
城池 街市 官署公廨 壇廟 坊表

卷六

古蹟考
城砦 亭臺 宮 倉塲 道 鄉里 祠廟 田園 頂 澗谷 溝渠 隄防 津渡 井泉 墳墓

卷七

民賦考
丁戶 地糧 漕米 灘田 歲入 經常費 歲出 經常費

卷八

風俗物產考
風俗 習尚 言語 禮儀 歲時 物產 天然物 製造物

卷九

學校考
廟祠 祀典 書籍 學田 學區 學務 機關

卷十

兵事考

卷十一

藝文考

明 清

卷十二

職官表

唐 宋 明 清 民國

卷十三

選舉表

元 明 清 民國

卷十四

宦績傳

唐 宋 明 清

卷十五上

人物傳一
元 明 清

卷十五下

人物傳二
宋 明 清

卷十六上

列女傳一
明 清

卷十六下

列女傳二
清 民國

卷十七

雜記
記地 記事 記人 記言

附金石考二卷文徵三卷

河陰縣志卷九

學校考

自漢高祀孔子而學校崇祀之禮遂爲後世祖唐宋元明
代有褒封迄於清末遂升大祀可謂尊矣且四子六經用
以作人諸子百家屏絕勿進學術之正振古無比然而政
治不唐虞人材不三代者非名實不副而利祿之途使然
歟歐風東漸新學颺起廢書院罷科舉於是鈞弋倖獲之
徒一變而爲鼓吹維新之士信乎風行草偃有如是矣雖
然教育之精神在誠篤不在凌厲藉非以道德爲依歸則
新學之囂張與舊學之卑靡相去不能一寸而懲羹吹蠶

者或反藉以爲口實則甚矣道之忌虛僞而務真摯也河陰士習醇樸固無囂張之弊而新學萌芽方卯未翼不能不策進行而圖奮起然欲收效於其終必先擇術於其始宗旨不純趨嚮背戾吾未見皮毛歐化果愈乎迂朽之腐儒也於尊孔愛國之道果何裨乎職教育者其三思之考

學校

廟制

孔子廟在縣治南騰蛟起鳳二街之中明洪武三年知縣劉茂創建弘治九年知縣楊源正德七年知縣蔡春嘉靖九年知縣楊應辰嘉靖三十七年知縣周于德萬曆二十

七年知縣蔡道充踵修歲久頽廢清康熙四年知縣范爲

憲重修二十年知縣岑鶴二十四年知縣申奇彩續修

建

東廡申建西廡

嘉慶二十四年知縣蔡鑾登教諭張際煒咸豐八

年知縣王世相教諭丁錫榮光緒十六年知縣談國政教

諭徐綱續修

均有碑

民國四年知事胡荃補修中爲大成殿

五楹楣極懸清康熙二十三年頒御書萬世師表額雍正

三年頒御書生民未有額乾隆三年頒御書與天地參額

嘉慶三年頒御書聖集大成額道光三年頒御書聖協時

中額咸豐三年頒御書德齊疇載額同治元年頒御書聖

神天縱額光緒七年頒御書斯文在茲額宣統元年頒御

書中和位育額殿前階東有康熙御製至聖先師贊碑西
有四配顏子曾子子思子孟子贊碑兩廡各五楹兩廡之
南東爲省牲所西爲神庫各一楹前爲戟門東有嘉靖九
年禦製正孔子祀典說碑西有御製正孔子祀典申譚旁爲
左右角門門外東爲名宦祠一楹西爲鄉賢祠一楹前爲
泮池再前爲櫺星門門之前東西各一門又前爲屏牆繚
垣一周若天閭然由左門而東又北達於儒學

案民國三年頒行禮制館祀孔典禮說明書謂自魯哀
公十七年立孔子廟於故宅閱千餘年未嘗出闕里至
北魏太和十三年始立孔子廟堂於京師唐貞觀四年

始詔州縣學皆作孔子廟孔子廟之名始見於史記孔子世家及闕里志漢元嘉二年詔此外或曰仲尼廟孔廟宣尼廟孔父廟孔顏廟孔聖廟文宣王廟宣聖廟夫子廟先聖廟先師廟文廟明永樂八年要以稱孔子廟爲最古且最普徧稱文廟爲最後蓋從文宣王諡而來孔子之道生民未有非一言一行之美可以節惠定諡者比明儒邱濬論之詳矣今文宣之諡旣早罷廢則文廟之稱似亦不必沿明之舊

儒學剏建於明洪武三年知縣劉茂嗣是屢有修葺西爲

明倫堂五楹

堂前列規矩池石器各一堂後壁東嵌明太祖臥碑聖朝賜書籍記清世祖臥碑三石西

嵌程子四箴前壁東西
分嵌范浚心箴二石
堂東西時習日新兩齋齋各三楹

又西有射圃廳敬一亭亭三楹

明嘉靖五年御製敬一箴並注范浚心箴程子四箴

以賜學士費弘等九年正月頒於天下學宮此建亭之教始後廢程范二箴移嵌明倫堂壁敬一箴移嵌學署

諭宅在明倫堂後正房三間東西各一間書房一座訓

導宅在明倫堂東正房五間東西屋各三間書房一座

申志

併縣後裁訓導缺教諭宅圯遂移於訓導署內又增修厨

房二間二堂五間大門一間光緒十八年教諭徐綱補修

民國元年裁缺房屋傾圯牆垣頽廢四年知事胡荃一律

重修今爲縣視學辦公處

隋唐以來碑版均嵌過廳壁間

崇聖祠三楹在大成殿東周垣外康熙間知縣范爲憲重

建本名啟聖祠清雍正二年追封先師五代王爵易名崇聖忠義祠在其前節孝祠在其後各三楹

詳建
置

祀典

孔子廟崇祀則以夏時春秋兩仲上丁爲致祀之日仍從

大祀

清季升
大祀

其禮節服制祭品與祭天一律以四配十二

哲配饗以先賢公孫氏以下七十九人先儒公羊氏以下七十五人從祀

禮制館頒行祀孔典禮說明書一稱祀不稱釋奠說云謹案古者立學必祭先聖先師所以報本反始崇德而勸學也其禮有四曰祀曰釋奠曰釋菜曰釋幣而以祀

爲正祭祭義所謂祀先賢於西學是也釋奠者設薦饌

酌奠而已無迎尸以下之事文王世子釋菜惟釋蘋藻而已

無牲牢無幣帛釋幣則徒用幣而無菜亦無牲牢王制疏

是釋奠釋菜釋幣皆爲祀禮之畧者祀禮亡逸久不可

考釋菜之禮又亡於唐宋間學官所舉惟畧存釋奠之

儀後世月朔釋菜之禮但存其名耳實與古不合故惟漢魏間尙稱祀孔子後漢

禮儀志明帝永明二年祀聖師周公孔子牲以犬三國魏志齊王紀正紹二年以太牢祭孔子於辟雍五年七年並以太牢祀後此雖升大祀猶未改釋奠之名也釋

孔子於辟雍奠爲祀之畧實祀而以釋奠名之其名不正今奉

明令祀孔仍從大祀其禮節服制祭品當與祭天一律

典禮極爲隆重故擬稱祀不稱釋奠

大成殿內至聖先師正位南嚮東配復聖顏子回述聖孔子
伋子伋子西嚮西配宗聖曾子參亞聖孟子軻位東嚮兩序
先賢東閔子損冉子雍端木子賜仲子由子商有子若
皆西嚮西冉子耕宰子子冉子求言子偃顓孫子師朱子
嘉皆東嚮

兩廡先賢東公孫僑林放原憲南宮适商瞿漆雕開司馬
耕梁鱣冉孺伯虔冉季漆雕徒父漆雕哆公西赤任不齊
公良孺公肩定鄒單罕父黑榮旂左人郢鄭國原亢廉潔
叔仲會公西輿如邾異陳亢琴張步叔乘秦非顏喆顏何

縣直牧皮樂正克萬章周敦頤程顥鄒雍西道瑗澹臺
明宓不齊公冶長公皙哀高柴樊須商澤巫馬施顏辛曹
卹公孫龍秦商顏高壤驥赤石作蜀公夏首后處奚谷蒧
顏祖句井疆秦祖孫成公祖句茲燕伋樂欬狄黑孔忠公
西蒧顏之僕施之常申棖左丘明秦冉公明儀公都子公
孫丑張載程頤先儒東公羊高伏勝毛亨孔安國毛萇杜
子春鄭玄諸葛亮王通韓愈胡瑗韓琦楊時謝良佐尹焞
胡安國李侗呂祖謙袁燮黃幹輔廣何基文天祥王柏劉
因陳澥方孝孺薛瑄胡居仁羅欽順呂柟劉宗周孫奇逢
黃宗羲張履祥陸隴其湯斌張伯行西穀梁赤高堂生董

仲舒劉德后蒼許慎趙岐范甯陸贄范仲淹歐陽修司馬
光游酢呂大臨羅從彥李綱張栻陸九淵陳淳真德秀蔡
沈魏了翁趙復金履祥陸秀夫許衡吳澄曹端陳獻章蔡
清王守仁呂坤黃道周王夫之陸世儀顧炎武均北上東
西嚮

案洪符孫鄢陵志云吳志不載從祀諸賢蓋以其同於
他邑耳然洙泗淵源羣深嚮往承學之士各宜究心書
之志乘以備檢閱則亦一邑之掌故也今敬補入其兩
廡位次悉從部頒圖式茲遵其例備志無遺其他禮制
皆倣此

禮制館頒行祀孔典禮說明書三改題避諱諸本主云
謹案古諱名之禮周人以諱事神於是乎始諱諱名與
諡典同出於周諱者敬避而不名諡者易名而稱行其
爲用不同而其意則一故爲親者諱謂之私諱爲尊者

諱謂之公諱猶諡之有公諡私諡也宋徽宗以曾參等

所封犯先聖諱改封

宋史
禮志

金章宗太和五年諭有司進

士名有犯孔子諱者避之

金史
禮志

是爲避孔子諱之始然

至清初而直省郡邑之名有孔子諱在內者猶相沿未
改雍正三年始定圜丘丘字如故此外除四書五經凡
遇丘字並加邑爲邱地名亦不必改易但加邑字旁讀